

# Prigovor na lažno predstavljanje i komentiranje sadržaja na portalu VKladusa.COM u ime Nermina Purića

[Saopštenja](#), [Velika Kladuša](#) | [VKladusa.COM](#) | 12. Rujan 2012. 11:34

---

U nekoliko navrata na Vašem portalu Vkladusa.com u okviru komentara posjetitelja portala objavljeni su komentari potpisani mojim imenom i



prezimenom.

Ne treba naglašavati da autor tih komentara nisam ja, već neko ko, ne znam iz kojih razloga, želi da se predstavlja mojim imenom i koristi se njime u realizaciji nekih svojih ciljeva.

Kao član rukovodstva jedne političke partije i kao zastupnik u Parlamentarnoj skupštini Bosne i Hercegovine svjestan sam da se kao javna osoba odričem dijela svoje privatnosti, ali lažno predstavljanje koje koriste neki posjetitelji Vašeg portala su krivično djelo i ja ću biti prisiljen da zaštitu svoga integriteta zatražim sudskim putem.

Budite uvjereni da ću sve ono što imam kazati kao stranački dužnosnik i zastupnik u državnom parlamentu kazati službenim putem, upućivanjem službenog e-maila na Vašu adresu, a ne putem komentiranja članaka.

Najnoviji takav slučaj desio se nakon objavljivanja teksta pod naslovom *Elvira Abdić Jelenović: Saopštenje za javnost povodom zadnjih dešavanja unutar DNZ-a*, koji je na Vašem portalu objavljen 09.09.2012. godine u 17:29. Link predmetnog članka je sljedeći: <http://www.vkladusa.com/2012/09/09/elvira-abdic-jelenovic-saopstenje-za-javnost-povodom-zadnjih-desavanja-unutar-dnz-a/#comment-33629>.

Kako bismo izbjegli daljnje neugodnosti procesuiranja ovog slučaja, i kako bismo kao javne ličnosti vodili civiliziran dijalog kakav dolikuje vremenu u kojem živimo, ja Vas pozivam i tražim od Vas da uklonite komentare koji su potpisani mojim imenom, da na stranici objavite ovaj prigovor i da onemogućite postavljanje komentara sa mojim imenom i prezimenom, što, ponavljam, predstavlja krivično djelo.

Ujedno napominjem da ovaj prigovor istovremeno dostavljam i Vijeću za štampu BiH na postupanje.

U nadi da ćemo naći zajednički interes da ovu situaciju riješimo kako dolikuje ozbiljnim i odgovornim osobama, koristim priliku da Vas pozdravim.

S poštovanjem,

**Nermin Purić**, portparol DNZ BiH i  
Zastupnik u Parlamentu BiH

**Odgovor:**

Poštovani,

Izvinjavam se što kasnim sa odgovorom ali sada sam tu i možete biti sigurni da je vaš zahtjev naišao na razumijevanje. Portal VKladusa.COM je uvijek bio otvoren za komunikaciju i osjećajte se slobodnim kontaktirati nas ukoliko imate neki problem.

Naime, na portal se dodaje zaista veliki broj komentara i ponekad je zaista nemoguće sve njih upratiti. Na sadržaj komentara ne možemo uticati, oni predstavljaju isključivo mišljenje posjetioca, ali na imena pod kojima se ti komentari dodaju koliko-toliko možemo te ćemo to i napraviti.

Potruditi ćemo se da sve komentare pisane pod imenom "Nermin Purić" maknemo kao i da onemogućimo dalje komentarisanje pod tim imenom. Takođe, nije problem da vaš prigovor objavimo u obliku vijesti. Nastojaću da to riješim danas, u toku dana.

Srdačan pozdrav,  
Edis Pilipović

(VKladusa.COM)

Link: <http://www.vkladusa.com/2012/09/12/prigovor-na-lazno-predstavljanje-i-komentiranje-sadrzaja-na-portal-vkladusa-com-u-ime-nermina-purica/>